

P. 666, L. -2【如來座等三】吉藏《法華義疏》卷 11：「有慈悲心方能行於敬嘆，即是入如來室；忍於打罵，謂著如來衣；深敬汝等，即是了知諸法常寂滅相，謂坐如來座也。經歷多年常行此事，即是以不懈怠心為四眾說法。又即是四安樂行，以知有佛性，佛性即是第一義空，謂空寂行，既行敬嘆即無憍慢，能忍打罵，寧有嫉心，經歷多年忍苦弘道，則具大慈悲，故備四行也。」(T34,p.617 a23-b1)

P. 666, L. -1【深敬是意業】《法華經大成》卷 8：「深敬二字。是菩薩入道之基本。苟敬之不深。安能視彼如佛。又安能受其罵杖哉。末法僧徒。役役權豪。栖心世務。無所不至。豈是菩薩道。但菩薩以等心觀之。無非菩薩道耳。所謂治世語言等。皆順正法也。深敬不慢。意業善也。故往禮拜。身業善也。我不輕於汝等。口業善也。三業至善。具大忍力。方名常不輕也。」(X32,pp.512c19-513a1)

P. 667, L. 5【大經禮知法者】《法華文句記》卷 10：「有人此中引《大經》中禮知法者，及《淨名》中比丘禮俗。此義不然。《涅槃》常儀，顯敬法之志，從彼請益，故忘情禮下；《淨名》，聞法已，獲重恩，故忘犯設敬，不存恒則。若大乘正義，出俗恒則，亦無令道而禮於俗；不輕立行咸異於斯，不為宣通大小非教。」(T34,p.349a29-b6)《法華經文句記箋難》卷 4：「禮知法者。如來性品。迦葉白佛。若有長宿護持禁戒。從年少邊咨受未聞。當禮敬否？出家人從在家人咨受未聞。復當禮否？然出家人不應禮敬在家人也。佛乃答云：有知法者。若老若少。故應供養恭敬禮拜。…淨名中比丘禮俗。富樓那為諸新學說法。淨名訶已。即自入三昧。令諸比丘自識宿命。時諸比丘稽首禮維摩詰足。」(X29,p.569c6-12)《大般涅槃經》卷 6〈如來性品第四之三〉：「若有長宿護持禁戒，從年少邊諮受未聞，云何是人當禮敬不？若當禮敬，是則不名為持戒也。」(T12,p.399c7-9)「有知法者，若老若少，故應供養，恭敬禮拜。……以是因緣，我亦不為學聲聞人，但為菩薩而說是偈。」(T12,p.400c11-14)《維摩詰所說經》卷 1〈弟子品第三〉：富樓那「在一樹下為諸新學比丘說法。時維摩詰來謂我言：先當入定，觀此人心，然後說法。汝不能知眾生根源，無得發起以小乘法。…時維摩詰即入三昧，令此比丘自識宿命：曾於五百佛所植眾德本，迴向阿耨多羅三藐三菩提。即時豁然，還得本心，於是諸比丘稽首禮維摩詰足。時維摩詰因為說法，於阿耨多羅三藐三菩提不復退轉。」(T14,p.540c24-541a10)

P. 669, L. 2【於虛空中具聞】《法華經要解》卷 6：「威音雖滅，法音不滅。故先所說經可以具聞。然於空中聞者。示使忘能所、絕影像。然後能具此法。」

故得二十千萬億偈也。以能所忘、影像絕故。即得六根清淨功德也。前舉六根功德。方明所證之法。今舉不輕。乃示能證之人。」(X30,p.345a11-15p.667a10-14)《法華經通義》卷6：「凡有對則為二。以此經乃心境雙忘、離相寂滅之法。眾生心境種種無量。一聞此經則一切心境化為寂滅之法矣。故經有二十千萬億偈未足多也。」(X31,p.584c4-7)

P. 669, L. 2+3+7【**臨欲終、更增壽命、命終之後**】《法華經授手》卷8：「命終者。法執盡也。前言臨欲終時尚未捨命。乃將證將斷時也。由初聞此經。得一念歡喜。故不能疾斷。而返增法喜。如那由他也。今既得命終。始能盡斷盡證。所以得真俗融、事理俱。而發本明耀。故有如日月燈與雲自在燈也。日月燈。乃三無差別之智。雲自在燈。乃無礙妙智。由是正智如如。故能于眾中。說法無畏。」(X32,p.784b2-8)《法華經演義》卷6：「佛號日月燈明者。三光之明。全表三智。彼佛能於因中。三智圓觀。果上三智圓顯。如彼日月燈之三光齊照。故以為名也。」(X33,p.263c8-10)《法華經演義》卷6：「佛號雲自在燈王者。以彼佛能現身如雲。應大機眾生。則現千丈舍那之身。應小機眾生。則現丈六比丘之身。此乃現勝現劣。皆能自在。如雲之卷舒。去來無礙。故名雲自在。又能破障如燈。欲破事障。則事障無不破。欲破理障。則理障無不破。由此破事破理。皆能自在如王。故言燈王也。」(X33,p.263c18-23)《法華經文句纂要》卷7：「此品引人為證。證五品功德深。六根報重。我昔隨喜。獲現、生、後報。以募流通也(我昔隨喜獲現生後報者。重明來意。故後文云。臨欲終時。具聞威音王佛先說法華經。得六根淨。更增壽命。即現報也。命終之後。復值二千億佛。同號日月燈明。即生報也。以是因緣。復值二千億佛。同號雲自在燈王。後值千萬億佛。即後報也。於現報中獲六根淨。是故弘經。其功不淺。昔時流通。三報宛爾。今日流通。實不虛也。」(X29,p.764c12-16)

P. 669, L. 9【**說法心無所畏**】《第七編 法界圓覺學》卷2：「無所畏，謂無五怖畏：一、無不活畏，初地證無住身，得淨慧命，隨願應生，故無不活畏。二、無惡名畏，凡有所行皆利眾生，名稱普聞，故無惡名畏。三、無死畏，菩薩法身常住，本無來去，既離我見，安有身相？故無死畏。四、無墮惡道畏，菩薩歷劫奉佛，修諸善法，遠離三毒，除以大悲願力示現惡道方便度生外，餘所修行與惡趣無一相應，故無墮惡道畏。五、無大眾威德畏，尚不見世間有一眾生能與菩薩相等者，況能勝過？但由悲願隨順應導，故無此畏。又、六根既常清淨，故聞一切法能持，得諸陀羅尼，常憶念不忘，三德具足，亦即菩薩之說法無所畏也。」(TX11,pp.548a9-549a4)